



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola LIX. Alexandri Papae III. Ad Omnes Principes. Hortatur eos ad
subsidiū terrae sanctae.

urn:nbn:de:hbz:466:1-15588

ne quis eam violare aliqua ratione præsumat. Nulli ergo omnino homini liceat hanc paginam nostræ confirmatio-
nis infringere, vel ei ausu temerario contraire. Si quis au-
tem hoc attentare præsumperit, indignationem omnipot-
tentis Dei, & beatorum Petri & Pauli apostolorum, se no-
uerit incursum. Datum Tusculani v. Kalendas Aprilis.

EPISTOLA LIX.

ALEXANDRI PAPÆ III.

AD OMNES PRINCIPES.

Hortatur eos ad subsidium terræ sanctæ.

*Alexander episcopus seruus seruorum Dei dilectis filiis nobili-
bus viris ducibus & principibus, comitibus, baronibus, &
vniuersi Dei fidelibus, ad quos literæ istæ peruerent, sa-
lutem & apostolicam benedictionem.*

COR nostrum & omnium fratrum nostrorum finistri
rumores, qui de Hierosolymitanis partibus ad nos
communi transeuntium relatione peruererunt, nimio do-
lore conturbant, cum vix vñquam aliquis, qui Christiano
nomine censeatur, sine lacrymis & suspiriis audire valeat,
quaे de statu illius terræ miserabili recitantur. Est siquidem
infidelium (quod dolentes dicimus) incursione con-
trita, & vsque adeo fortium virorum potentia, & proboru-
rum virorum consilio viduata, quod nisi a Christianis re-
gibus & principibus orbis celerem & potentem succur-
sum habuerit, desolationem eius (quod absit) in ignomi-
niam Dei, & in contemptum fidei Christianæ de proximo
formidamus. Non est enim rex, qui terram illam regere
possit, cum ille, videlicet Balduinus, qui regni gubernacu-
la possidet, ita sit grauiter (sicut noſſe vos credimus) iusto
Dei iudicio flagellatus, vt vix ad tolerandos sufficiat conti-
nuos sui corporis cruciatus. Quam grauem siquidem ia-
cturam, & quam miserabilem casum in personis, & rebus
illa terra (pro qua patres & genitores nostri sanguinem
proprium effuderunt in conflitu, quem olim cum genti-
bus habuit) peccatis exigentibus sit perpetua, nec nos sine
multa cordis commotione recolimus, nec aliqui zelantes
legem Domini possunt tantam stragem fidelium patienti

Concil. Tom. 27.

Rr ij

animo tolerare; præfertim cum illa gens pessima pagano-
rum ex incommodis & periculis, quæ genti Christiano-
rum intulerunt, tantam audaciam sumpfisse dicantur, vt
se iactent impudenter terram illam (quod auertat Do-
minus) inuasuros.

Moueat itaque vos zelus Domini, nec religio Christia-
na super tanta, quæ illi terræ imminet, contritione dor-
mitet: sed vniuersa loca illa, quæ Saluator & Redemptor
noster corporali præsentia dedicauit, viriliter tueamini:
& contemnите gentes quæ abiiciunt Dominum, & Chri-
stianum nomen de terris abolere nituntur. Non est vt
que Christianus, qui præscriptæ terræ calamitatibus non
mouetur, nec accingitur ad ipsam ab infidelium incursi-
bus defendendam, quam occupare laborant, & suis (quod
absit) spurciis profanare. Hi autem, qui ex vobis fortes
sunt, & bellis exercendis idonei, non minus scuto fidei, &
lorica iustitiae, quam materialibus armis induiti, tam pium,
quam necessarium opus ac laborem huius peregrinatio-
nis afflumant, & loca illa, in quibus Redemptor humani
generis pro nobis nasci voluit, & mortem subiit tempora-
lem, potenti virtute defendant, ne temporibus nostris sus-
tineat in illis partibus Christianitatis detrimentum. Cum
enim Christus pro salute nostra opprobria multa, & de-
mum Crucis patibulum sustinuerit, vt nos offerret Deo,
mortificatos quidem carne, * iustificatos autem spiritu,
expedit admodum saluti fidelium, vt pro ipso corpora no-
stra periculis & laboribus exponamus, ne precium sanguini-
nis, quem pro nobis effudit, videamur obliiti. Animad-
uertite igitur, dilecti in Christo filii, & videte quam pro-
brosum, & quam moerore dignum existeret Christianis,
si aduersus habitatores terræ illius inimici Crucis Christi
denuo præualerent, sicut eos præualituros non modi-
cum formidamus, nisi de diuersis partibus Christiano-
rum auxilium habitatoribus ipsis cum festinatione suc-
currat.

Ne igitur Christianitas gentilitati succumbat, totis ni-
sibus præuidete: quia melius est superuenturo malo ante
tempus occurtere, quam remedium post causam quare-
re vulneratam. Illis autem, qui pro Christo huius via la-
borem assumpsérint, illam indulgentiam peccatorum,

quam patres & prædecessores nostri Vrbanus & Eugenius Romani pontifices statuerunt, apostolica auctoritate concedimus, & confirmamus. Vxores quoque, & filios eorum, & bona, & possessiones suas, sub beati Petri & nostra, nec non & archiepiscoporum, & episcoporum, & aliorum prælatorum ecclesiæ, decernimus protectione manere: prohibentes attentius, ne aduersus eos de his, quæ pacifice possident, aliqua post suscep tam Crucem quæstio moueatur, donec redeant, vel de ipsorum obitu certissime cognoscatur. Liceat autem eis terras, seu possessiones alias, postquam propinqui, aut etiam domini sui, (ad quorum feudum pertinent) pecuniam ipsis mutuare, aut noluerint, aut non potuerint, ecclesiis, vel ecclesiasticis viris, aut aliis fidelibus libere, & fine villa reclamatione pro expensis huius itineris titulo pignoris obligare. Præterea, quicumque de viris bellicosis, & ad illius terræ defensionem idoneis, illa sancta loca feruore deuotionis adierint, & ibi duobus annis contra Saracenos pro Christiani nominis defensione pugnauerint, de Iesu Christi pietate, & de beatorum Petri & Pauli apostolorum auctoritate, confisi, eis omnium suorum, de quibus corde contrito & humiliato confessionem susceperint, absolutionem facimus delictorum; nisi forte aliena bona rapuerint, vel vñuras extorserint, aut commiserint furta, quæ omnia debent in integrum emendari. Si vero non est in facultatibus delinquentium vnde valeant emendari, nihilo minus consequentur veniam, prout diximus, de commissis. Hi autem, qui illic per annum, sicut diximus, moram habuerint, de medietate sibi iniunctæ pœnitentia indulgentiam & remissionem suorum obtineant peccatorum. Omnibus autem sepulcrum Domini pro instanti necessitate visitare volentibus, siue in itinere moriantur, siue ad istum locum perueniant, laborem itineris ad pœnitentiam, & obedientiam, & remissionem omnium peccatorum iniungimus, ut de vita præsentis ergastulo ad illam beatitudinem, Domino largiente, perueniant, quam nec oculus vidit, nec auris audiuit, nec in cor hominis ascendit, quam repromisit Dominus diligentibus se. Datum Tusculani decimo-septimo Kalendas Februarii.

Rr iij